



## COLEGIO ARUBANO

R.K SCHOOL VOOR CICLO BASICO,  
CICLO AVANSA, V.W.O EN H.A.V.O.  
VONDELLAAN 14  
TEL. 5822005 / 5822684 / 5831373 / 5828930  
FAX: 5832676, ARUBA  
E-mail: [info@colegioarubano.aw](mailto:info@colegioarubano.aw)

Na tur alumno di Colegio  
Arubano y nan mayor/cuidado

Oranjestad, 6 di november 2025

**COLAUA: 2025/2026-060**

Topico: Rooster CP2 y SE1b

Apreciabel mayor/cuidado, alumno,

Nos ta yegando e final di e prome periodo. Esey ta nifica cu e CP-nan y e SE-nan ta inicia pronto. E periodo di CP2/SE1b ta tuma luga for di **dialuna 17 di november te cu dialuna 24 di november 2025**.

Adhunto e rooster di CP2/SE1b. Tambe nos a publica e rooster aki diaranson ultimo (5 november 2025) riba nos website <http://colegioarubano.aw>. Pa e material di CP por consulta e PLT-nan cu tambe ta obtenibel riba nos website of via [bit.ly/PLTs24-25](http://bit.ly/PLTs24-25). E material di SE ta den e buki di SE cu e alumnonan a ricibi via e-mail y naturalmente e ta riba e website tambe.

### **Puntonan di atencion durante CP/SE**

- **Atencion! Tur alumno mester identifica nan mes cu nan carchi di Colegio (Colegiokaart).**  
E alumnonan di klas di examen mester pone nan carchi di Colegio riba mesa pa controla nan number y fam, etc. Si un alumno lubida su carchi di Colegio, e alumno mester acudi na administracion di scol pa saca un prueba substituto cu tin un costo di Afl.1.  
**Pa tur otro alumno, mustra nan carchi di Colegio (Colegiokaart) durante CP tambe ta obligatorio.** Cada alumno tin un carchi di Colegio cu nan number y potret riba dje. Durante CP2 nos lo duna e alumno un advertencia si e alumno a lubida su carchi, pero for di CP3 en adelante tur alumno mester mustra e carchi di Colegio ora di traha CP. Sino nan mester busca un prueba substituto na administracion di scol cu ta costa Afl.1. En principio, un alumno di Colegio semper mester tin su carchi di Colegio cu ne. Pues pone e carchi den bo tas pa bo tin esaki semper hunto cu bo.
- Si alumno ta ausente durante e periodo di CP/SE, mester haci lo siguiente:
  - Mayor ta raporta e yiu malo prome cu 8:00 am, door di yama scol of door di yena e formulario riba e website: <https://bit.ly/maloziek>
  - E alumno ta raporta fisicamente na Medwork prome cu 10:00am.
  - Unabes bek na scol, e alumno ta entrega e carta di Medwork na secretariado di scol.
  - Si no tin motibo valido pa ta ausente, e alumno ta haya e cifra 1 pa e CP/SE cu e

no a traha.

- E intencion ta cu despues di CP/SE tur alumno ta continua cu nan studiamiento pa e siguiente dia di CP/SE. Haci bon uzo di bo tempo y percura pa bo planea bon.
- Durante e periodo di CP, tur regla di scol ta keda valido. Pone atencion particularmente na e reglanan di bistimento y uniform di scol. Bistimento di uniform durante e dianan di CP/SE ta obligatorio.

### **E dianan di inhaal di CP**

Esnan cu pa motibo valido no a traha un CP, por recupera e CP despues di a entrega e carta di Medwork. E dianan pa recupera CP ta para riba e rooster. E dianan pa recupera SE ta para den e buki di SE. Recuperacion di prueba ta tuma luga despues di e orario normal di scol. **E alumno por recupera e prueba solamente si el a asisti na e lesnan di e dia ey.**

### **Procedura di Medwork**

Medwork ta sigui e siguiente procedimiento:

1. E alumnonan cu pa motibo di enfermedad ta haya nan stroba di participa na un CP/SE, mester raporta fisicamente e mesun dia, entre 8.00 y 10.00 am na Medwork.
2. Bistimento di tapaboca ta opcional, solamente si e alumno no tin sintoma di griep.
3. E costo di e consulta na Medwork ta **AWG 35.00** y tin cu ta paga door di e alumno of un mayor/cuidado. Por paga cu carchi di banco na tur dos localidad, pero por paga cu efectivo tambe.
4. Na e cita, e estudiante mester bin cu un ID valido of e carchi di scol.
5. Medwork Caribbean N.V. no lo sumistra ningun informacion tocante e alumno na tercer persona.
6. Despues di control, e alumno lo haya un declaracion firma pa e dokter di Medwork Caribbean N.V, cu a control'e, den cual ta indica:
  - si e alumno pa motibo di e enfermedad por participa na CP/SE of no;
  - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101).

### **E normanan pa bay over**

A determina e normanan legal pa bay over pa e aña escolar aki. Esakinan nos a publica riba nos website. Ta trata di e normanan pa e klasnan cu no ta e klasnan di examen. Ta determina e cifra final pa cada materia door di calcula e promedio di tur prueba y rond af e cifra na un cifra completo, sin coma. Durante e reunionnan di rapport lo uza e normanan aki pa determina cua mayor lo invita pa e anochi di mayor.

Na number di tur docente, directiva di scol y directiva: hopi exito cu boso pruebanan! Compromete, keda positivo y corda: cada paso cu bo tuma awo ta trece bo mas cerca di bo metanan.

*“Success doesn’t come from what you do occasionally, it comes from what you do consistently.” – Marie Forleo, best-selling author and entrepreneur*

Mi ta termina cu un saludo cordial,

R. van der Linde. M.Ed.  
Rector Colegio Arubano